



草堂詩餘卷下

前集

賀新郎

春情

李玉

篆縷銷金鼎。醉沉沉、庭陰轉午。畫堂人靜。芳草
王孫知何處。惟有楊花糝徑。漸玉枕、騰騰春醒。
簾外殘紅春已透。鎮無聊、殢酒厭厭病。雲鬢亂、
未忺整。○江南舊事休重省。遍天涯、尋消問息。
斷鴻難倩。月滿西樓憑欄久。依舊歸期未定。又
只恐、餅沉金井。嘶騎不來銀燭暗。枉教人、立盡
梧桐影。誰伴我、對鸞鏡。

賀新郎

夏意

葉少蘊

睡起流鶯語。掩蒼苔。房櫳向曉。亂紅無數。吹盡殘花。無人問。惟有垂楊自舞。漸暖靄初回。輕暑寶扇重尋。明月影暗。塵侵尚有。乘鸞女。驚舊恨。鎮如許。○江南夢斷。衡臯渚。浪粘天。蒲萄漲綠。半空煙雨。無限樓前滄波意。誰採蘋花寄取。但悵望蘭舟。容與。萬里雲帆。何時到。送孤鴻。目斷千山阻。誰為我唱金縷。

賀新郎

蘇子瞻

古今詞話云蘇子瞻守錢塘有官妓秀蘭天性點慧善於應對湖中有宴會群妓畢至惟秀蘭不來遣人督之須臾方至子瞻問其故具以髮結沐浴不覺困

瞋忽有人扣門聲急起而問之乃條營將催督也非敢怠忽謹以實告子瞻亦怒之坐中倅車屬意於蘭見其晚來恚恨未已責之曰必有他事以此晚至秀蘭力辯不能止倅之怒是時榴花盛開秀蘭以一枝藉手告倅其怒愈甚秀蘭收淚無言子瞻作賀新涼以解之其怒始息子瞻之作皆紀目前事蓋取其沐浴新涼曲名賀新涼也後人不之知誤為賀新郎蓋不得子瞻之意也子瞻真所謂風流太守也豈可與俗吏同日語哉

乳燕飛華屋。悄無人。槐陰轉午。晚涼新浴。手弄生綃白團扇。扇手一時似玉。漸困倚孤眠。清熟。簾外誰來推綉戶。枉教人。夢斷瑤臺曲。又却是風敲竹。○石榴半吐紅巾蹙。花似結巾紅待

浮花浪藥都盡。伴君幽獨。穠艷一枝。細看取芳
心。千重似束。又恐被秋風驚綠。若待得君來。向
此花前對酒。不忍觸。共粉淚。兩款款。

賀新郎

趙文鼎

晝未重簾捲。乍池塘一番過雨。芰荷初展。竹引
新梢半含粉。綠蔭扶疎滿院。過花絮。蜂稀蝶懶。
窓戶沉沉人不到。伴清幽。時有流鶯囀。凝思久。
意何限。○玉釵墜枕。鳳鬟顫。湛虛堂。壺冰瑩。徹
簾波零亂。自是仙姿清無暑。月影空垂素扇。破
午睡。香銷餘篆。一枕湖山千里夢。正白蘋煙棹。
歸來晚。雲弄碧。楚天遠。

賀新郎

端午

劉方叔

翠葆搖新竹。正榴花枝頭葉底。闌紅爭綠。誰在
紗窓停針線。閑理竹西舊曲。又還是蘭湯新浴。
手弄合歡雙綵索。笑偎人。福壽低相祝。金鳳鞵。
艾花蠹。○龍舟噴水飛相逐。記當年懷沙舊恨。
至今遺俗。兩過平蕪浮天濶。畫艦凌波盡簇。沸
十里笙歌聲續。好是蟾鉤隨歸棹。任歡呼。船重
成頽玉。猶未忍。罩銀燭。

賀新郎

劉潛夫

深院榴花吐。畫簾開綵衣。紈扇午風清。暑兒女
紛紛新結束。時樣釵符艾虎。早已有遊人觀渡。
老大逢場慵作戲。任白頭年少爭旗鼓。溪雨急。
浪花舞。○靈均標致高如許。憶生平既紉蘭佩。
又懷椒醕。誰信騷鬼千載後。波底垂涎角黍。又
說是蛟饞龍怒。把似而今醒到了。料當年醉死
差無苦。聊一笑。吊千古。

賀新郎

思遠樓前路。

溫州有思遠樓與西山相對

望平堤十里湖光。

一船無數。綠蓋盈盈紅粉面。葉底荷花解語。聞
巧結同心雙縷。尚有經年離別恨。一絲絲總是
相思處。相見也。又重午。○清江舊事傳荆楚。嘆
人情千載如新。尚沉菰黍。且盡尊前今日醉。誰
肯獨醒吊古。泛幾盞菖蒲綠醕。兩兩龍舟爭競
渡。柰朱簾暮捲。西山雨。看未足。怎歸去。

賀新郎

七夕

宋謙父

靈鵲橋初就。記迢迢重湖風浪。去年時候。歲月
不留人易老。萬事茫茫宇宙。但獨對西風搔首。
巧拙豈關今夕事。柰癡兒騃女流傳謬。添話柄。
柳州柳。○道人識破灰心久。只好風涼月佳時。

踈狂如舊。休笑雙星經歲。別人到中年已後。雲
雨夢可曾常有。雪藕調冰花薰茗。正梧桐雨過
新涼透。且隨分一盃酒。

賀新郎

遊湖

劉改之

睡覺啼鶯曉。醉西湖兩峰日日買花簪帽。去盡
酒徒無人問。惟有玉山自倒。任拍手兒童爭笑。
一騎乘風翻然去。避魚龍不見波聲悄。歌韻遠
喚蘇小。○神仙路近蓬萊島。紫雲深參差樹有
煙花遶。人世紅塵西障日百計不如歸好。付樂
事與他年少。費盡柳金。雪句問沉香亭。幾何
時召。明皇與貴妃在沉香亭賞牡丹遣高力士召李白賦詩。心未愜鬢先
老。

賀新郎

感懷

李南金

鶴林玉露云有良家女流落可嘆李南金贈以詞凄婉頓挫不減古作者

流落今如許。我亦三生杜牧。爲秋娘着句。先自
多愁多感慨。更值江南春暮。君看取落花飛絮。
也有吹來穿繡幌。有因風飄墮隨塵土。人世事
總無據。○佳人命薄。君休訴。若說與英雄心事。
一生更苦。且盡樽前今日意。休記綠牕眉嫵。但
春到兒家庭戶。幽恨一簾烟月曉。恐明年鴈亦

無尋處。渾欲倩鶯留住。

眼兒媚 春情

楊柳絲絲弄輕柔。煙縷織成愁。海棠未雨，梨花先雪，一半春休。而今往事難重省，歸夢遶秦樓。相思只在丁香枝上，豆蔻梢頭。

眼兒媚

樓上黃昏杏花寒。斜月小欄干。一雙燕子，兩行歸鴈，畫角聲殘。綺窗人在東風裏，無語對春閑。也應似舊，盈盈秋水，淡淡春山。秋水謂眼。青山謂眉。

點絳脣

紅杏飄香，柳含烟翠，拖金縷。水邊朱戶，門掩黃昏雨。燭影搖紅，一枕傷春緒。歸不去。鳳樓何處。芳草迷歸路。

點絳脣

王和甫

春睡騰騰覺來，鴛被堆香暖。起來慵懶，觸目情何限。深院日斜人靜，花陰轉。愁腸斷。凭高不見。芳草連天遠。

點絳脣

蘇子瞻

春雨濛濛，淡煙深鎖，垂楊院。暖風輕扇，落盡桃花片。薄倖不來，前事思量遍。無由見。淚痕如

線界破殘粧面。

點絳脣

蘇子瞻

鶯踏花翻亂紅堆徑無人掃。杜鵑來了。梅子枝頭小。○撥盡琵琶總是相思調。知音少。暗傷懷抱。門掩青春老。

點絳脣

秋思

蘇子瞻

高柳蟬嘶採菱歌斷秋風起。晚雲如髻。湖上山橫翠。○簾捲西樓過雨涼生袂。天如水。畫樓十二。有箇人同倚。

點絳脣

蘇子瞻

獨倚胡床。庾公樓外峰千朵。與誰同坐。明月清風我。○別乘一來有唱終須和。還知麼。自從添箇。風月平分破。

點絳脣

天台

蘇子瞻

醉漾輕舟信流直到花深處。塵緣相誤。無計花間住。○煙水茫茫回首斜陽暮。山無數。亂紅如雨。不記來時路。

點絳脣

佳人

蘇子瞻

蹴罷秋千。起來整頓纖纖手。露濃花瘦。薄汗輕衣透。○見客入來。襪剗金釵溜。和羞走。倚門回首。

首。却把青梅嗅。

點絳脣

冬景

汪彥章

新月娟娟。夜寒江靜。山銜斗。起來搔首。梅影橫
窗瘦。○好箇霜天閑却。傳盃手。君知否。亂鴉啼
後。歸興濃如酒。

點絳脣

詠梅

孫仲和

流水泠泠。斷橋橫路。梅枝亞。雪花飛下。全勝江
南畫。○白璧青錢。欲買春無價。歸來也。風吹平
野。一點香隨馬。

點絳脣

詠草

林和靖

金谷年年。亂生春樹。誰爲主。餘花落處。滿地和
煙雨。○又是離歌一闋長亭暮。王孫去。萋萋無
數。南北東西路。

桃源憶故人

春情

碧紗影弄。東風曉。一夜海棠開了。枝上數聲啼
鳥。粧點知多少。○妬雲恨雨。腰肢裊。眉黛不
忺重掃。薄倖不來春老。羞帶宜男草。

桃源憶故人

秋思

秦少游

玉樓深鎖。薄情種。清夜悠悠誰共。羞見枕衾鴛
鳳。悶則和衣擁。○無端畫角嚴城動。驚破一番

新夢。窓外月華霜重。聽徹梅花弄。

意難忘 佳人

周美成

衣染鶯黃。愛停歌駐拍。勸酒持觴。低鬟蟬影動，私語口脂香。簷露滴竹風涼。拚劇飲淋浪。夜漸深，籠燈就月，仔細端相。○知音見說無雙。解移宮換羽，未怕周郎。周瑜少精音樂，雖三爵之後，其有闕誤，瑜必知之，知之必顧，故時人語曰：曲有誤，周郎顧。長鞦知有恨，貪耍不成粧。此箇事，惱人腸。試說與何妨。又怨伊尋消問息，瘦減容光。

訴衷情 寒食

僧仲殊

湧金門外小瀛洲。寒食更風流。紅船滿湖歌吹，花外有高樓。○晴日暖，淡煙浮。恣嬉遊。三千粉黛，十二闌干，一片雲頭。

訴衷情近 春情

柳耆卿

景闌畫永，漸入清和氣候。榆錢飄滿閒階，蓮葉嫩生翠沼。遙望水邊幽迳，山掩孤村，是處園林好。○閑情悄。綺陌遊人漸少。少年風韻，自覺隨春老。追前好。帝城信阻天涯，目斷暮雲芳草。佇立空殘照。

好事近 夏意

蔣子雲

葉暗乳鷓啼。風定老紅猶落。蝴蝶不隨春去。入
薰風池閣。○休歌金縷。勸金卮。酒病煞如昨。簾
捲日長人靜。任楊花飄泊。

長相思 春情

紅蒲枝。綠蒲枝。宿酒厭厭睡起遲。閑庭花影移。
○憶歸期。數歸期。夢見雖多相見稀。相逢知幾
時。

長相思 秋思

黃叔暘

天悠悠。水悠悠。月印金樞曉未收。笛聲人倚樓。
○蘆花秋。蓼花秋。催得長霜點鬢稠。香箋莫寄
愁。

長相思

一重山。兩重山。山遠天高煙水寒。相思楓葉丹。
○菊花開。菊花殘。塞馬高飛人未還。一簾風月
閑。

長相思

黃魯直

蘋滿溪。柳滿堤。相送行人溪水西。回時隴月低。
○煙霏霏。風淒淒。重倚朱門聽馬嘶。寒鷗相對
飛。

惜分飛 贈別

毛澤民

百家詩序云元祐中東坡先生守錢塘澤民爲法曹錄公以衆人遇之秩滿辭去是夕宴客有籍妓歌贈別小詞卒章云今夜山深處斷魂分付潮回去公問誰所作妓以毛法曹對公語客曰郡寮有此詞人不及知其罪也蓋日折簡追還留連數月澤民因此得名

淚濕闌干花著露。愁到眉峰碧聚。此恨平分取。更無言語空相覷。○斷雨殘雲無意緒。寂寞朝朝暮暮。今夜山深處。斷魂分付潮回去。

如夢令

春情

趙簡夫

花落鶯啼春暮。陌上綠楊飛絮。金鴨晚香寒。人在洞房深處。無語無語。葉上數聲疎雨。

如夢令

池上春歸何處。滿目殘花飛絮。孤館悄無人。夢斷月堤歸路。無緒無緒。簾外五更風雨。

如夢令

李易安

昨夜雨疎風驟。濃睡不消殘酒。試問捲簾人。却道海棠依舊。知否知否。應是綠肥紅瘦。

如夢令

呂直夫

樓外殘陽紅滿。春入柳條將半。桃李不禁風。回首落英無限。腸斷腸斷。人共楚天俱遠。

如夢令

歐陽永叔

門外綠陰千頃。兩兩黃鸝相應。睡起不勝情。行到碧梧金井。人靜。人靜。風弄一枝花影。

如夢令

黃魯直

鶯鶯啄花紅溜。燕尾點波綠皺。指冷玉笙寒。吹徹小梅春透。依舊依舊。人與綠楊俱瘦。

如夢令 冬懷

黃魯直

冬夜月明如水。風緊驛亭深閉。夢破鼠窺燈。霜送曉寒侵被。無寐無寐。門外馬嘶人起。

如夢令 作人

韻似江梅標致美。似紅梅多難。清似臘梅香。白

似雪梅肌。膩非是非。是我道梅花似你。

如夢令 江景

陳去非

落日霞綃一縷。素月稜稜微吐。何處夜歸人。嘔

如夢令 雪堂

蘇子瞻

為向東坡傳語。人在雪堂深處。別後有誰來。雪壓小橋無路。歸去歸去。江上一犁春雨。

如夢令 感舊

蘇子瞻

曾宴桃源深洞。一曲舞鸞歌鳳。長記別伊時。和淚出門相送。如夢如夢。殘月落花煙重。

如夢令

蘇子瞻

嘗記溪亭日暮。沉醉不知歸路。興盡欲回舟。誤入芙蓉深處。爭渡爭渡。驚起一行鷗鷺。

糖多令

秋思

劉改之

蘆葉滿汀洲。寒沙帶淺流。二十年重過南樓。柳下繫舟猶未穩。能幾日。又中秋。○黃鶴斷磯頭。故人曾到否。舊江山。渾是新愁。欲買桂花同載酒。終不似。少年遊。

糖多令

文宋瑞

雨過水明霞。潮回岸帶沙。葉聲寒。飛透窗紗。懊恨西風吹世換。更吹我。落天涯。○寂寞古豪華。烏衣又日斜。說與。燕入誰家。惟有南來無數鴈。和明月。宿蘆花。

探春令

春情

綠楊枝上曉鶯啼。報融和天氣。被數聲。數聲。吹入紗窗裏。又驚起。嬌娥睡。○綠雲斜。彈金釵。墜惹芳心如醉。為少年。濕了鮫綃。帕上都是相思淚。

六么令

重陽

周美成

快風收雨。亭館清殘燠。池光靜。橫秋影。岸柳如

新沐聞道宜城酒美。昨日新醅熟。輕鑿相逐。衝

泥策馬來。折東籬半開菊。○華堂花艷對列一

一驚郎目。梁武帝襄陽歌大吳歌韻巧共泉聲

間雜琮琤玉。韓愈詩泉惆悵周郎已老莫唱當

時曲。幽歡難卜。明年誰健更把茱萸再三囑。

憶秦娥

秋思

李太白

花庵詞客云太白此詞及菩薩蠻二詞為百代詞曲之祖

簫聲咽。秦娥夢斷秦樓月。秦樓月。年年柳色灞

陵傷別。○樂遊原上清秋節。咸陽古道音塵絕。

音塵絕。西風殘照漢家陵闕。

憶秦娥

臨高閣。亂山平野烟光薄。煙光薄。樓鴉歸後暮

天殘角。○斷香殘酒情懷惡。西風催趁梧桐落。

梧桐落。天還秋也。又還寂寞。

憶秦娥

春情

康伯可

春寂寞。長安古道東風惡。東風惡。胭脂滿地杏

花零落。○臂銷不奈黃金約。文選結腕天寒尚

怯春衫薄。春衫薄。不禁搵淚為君彈却。

憶秦娥

佳人

香馥馥。樽前有箇人如玉。人如玉。翠翹金鳳肉

家粧束。○嬌羞愛把眉兒蹙。逢人只唱相思曲。
相思曲。一聲聲是怨紅愁綠。

憶秦娥

花深深。一鈎羅襪行花陰。行花陰。閑將柳帶。試
結同心。○耳邊消息空沉沉。畫眉樓上愁登臨。
愁登臨。海棠開後。望到如今。

憶秦娥

憶別

暮雲碧。佳人不見愁如織。愁如織。兩行征鴈。數
聲羌笛。○錦書難寄西飛翼。無言只是空相憶。
空相憶。紗窗月淡。影雙人隻。

憶秦娥

嬌滴滴。雙眉斂破春山色。春山色。爲君含笑。爲
君愁蹙。○多情別後無消息。此時更有誰知得。
誰知得。夜深無寐。渡江橫笛。

憶秦娥

詠笛

秋寂寂。碧紗牕外人橫笛。人橫笛。天津橋上舊
曾聽得。○宮粧玉指無人識。龍吟水底聲初息。
聲初息。月明江上。數峰凝碧。

憶秦娥

冬

雲垂幕。陰風慘淡天花落。天花落。千林瓊玖。滿

空鷺鶴。○征車渺渺穿華蕩。路迢迢。倍增離索。增離索。楚溪山水碧。湘樓閣。

憶舊遊 秋思

周美成

記愁橫淺黛。淚洗紅。秋門掩。秋宵墜葉驚離思。聽寒螿夜泣。亂雨瀟瀟。鳳釵半脫雲鬢。應影燭花搖。漸暗竹敲涼。疎螢照晚。兩地魂銷。○迢迢問音信。道徑底。花陰時。認鳴鑣也。擬臨朱戶。嘆因郎憔悴。羞見郎招。舊巢更有新燕。楊柳拂河橋。但滿眼京塵。東風竟日吹露桃。

望湘人 春情

賀方回

厭鶯聲到枕。花氣動簾。醉裏愁夢相半。被惜餘薰帶驚。剝眼幾許傷春。春晚淚竹痕鮮。佩蘭香老。湘天濃暖。記小江風月佳時。屢約非烟游伴。○須信鷺絃易斷。柰雲和再鼓。曲終人遠。認羅被無蹤。舊處弄波清淺。青翰棹艤。白蘋洲伴。儘月臨臯。飛觀不解。寄一字相思。幸有歸來雙燕。

望遠行 冬雪

柳耆卿

長空降瑞。寒風剪淅。淅瑤花初下。亂飄僧舍。密灑歌樓。迤邐漸迷鴛瓦。好是漁人披得一蓑歸去。江上晚來堪畫。滿長安。高却旗亭酒價。○幽

雅乘興最宜訪戴。小棹越溪瀟灑。皓鶴奪鮮。白鷗失素。千里廣鋪寒野。須信幽蘭歌斷。同雲收盡。別有瑤臺瓊樹。放一輪明月。交光清夜。

望海潮

春情

秦少游

梅英踈淡。木漸溶洩。東風暗換年華。金谷俊游。銅駝巷陌。新晴細履平沙。長記誤隨車。正絮翻香。舞芳思交加。柳下桃蹊。亂分春色到人家。○西園夜飲。鳴笳有華燈。礙月飛蓋。妨花蘭苑未空。行人漸老。重來是事堪嗟。煙暝酒旗斜。但倚樓極目。時見棲鴉。無奈歸心。暗隨流水到天涯。

望海潮

錢州

柳耆卿

鶴林王雲云此詞流舊金主亮開歌欣然有慕於三秋桂子十里荷花遂起投鞭渡江之志近時謝處厚詩云誰把杭州曲子謳荷花十里桂三秋那知卉木無情物牽動長秋然卒為金主送死之謀牽動長江之秋然卒為金主送死之謀未足恨也至於荷艷桂香桂點湖山之清麗使士大夫流連於歌舞嬉遊之樂遂忘中原是則深可恨耳

東南形勝。三吳都會。錢塘自古繁華。煙柳畫橋。風簾翠幙。參差十萬人家。雲樹繞堤沙。怒濤卷霜雪。天塹無涯。市列珠璣。戶盈羅綺。競豪奢。○重湖疊嶂。清佳有三秋桂子。十里荷花。羌笛弄

晴菱歌泛夜嬉嬉釣。曳蓮娃。千騎擁高牙。乘時
時一作醉聽簫鼓。吟賞柳霞異。日圖將好景。歸去鳳
池誇。

望江南 感舊

李後主

多少恨。昨夜夢魂中。還似舊時遊。上苑車如流水
馬如龍。花月正春風。○多少淚。斷臉後橫頤。
心事莫將和淚說。鳳笙休向淚時吹。腸斷更無
疑。

渡江雲 春情

周美成

晴嵐低楚甸。暖日四橋。翼陣勢起平沙。驟驚春在
眼。借問何時。春到山家。塗香暈色。盛粉飾筆
作妍華。千萬絲。陌頭楊柳。漸漸可藏鴉。○堪嗟
清江東注。畫舸西流。指長安日下。愁宴闌。風翻
旗尾。潮濺烏紗。今朝正對。初弦月。傍水驛深艤。
薰葭。沉恨處。時時自剔燈花。

春雲怨

馮偉壽

春風惡劣。把數枝香錦。和鶯吹折。雨重柳腰嬌
困。燕子欲扶扶不得。軟日烘煙乾。風收霧。芍藥
荼蘼弄顏色。簾幙輕陰。圖書清潤。日末篆香絕。
○盈盈笑靨。宮黃額。試紅鸞小扇。丁香雙結。團

鳳眉心倩郎貼。教洗金壘共看西堂醉花新月。
曲水成空麗人何處。往事暮雲萬疊。

怨王孫

夢斷漏悄。愁濃酒惱。密枕生寒。翠屏向曉。門外
誰掃殘紅。夜來風。○玉簫聲斷人何處。春又去。
恐把歸期負。此情此恨。此際擬託行雲問東君。

怨王孫

秦少游

帝里春晚。重門深院。草綠堦前。暮天鴈斷。樓上
遞信誰傳。恨綿綿。○多情自是多沾惹。難拚捨。
是寒食也。秋千巷陌。人靜皎月初斜。浸梨花。

憶王孫

萋萋芳草憶王孫。柳外樓高空斷魂。杜宇聲聲
不忍聞。欲黃昏。雨打梨花空閉門。

憶王孫

秋思

范希文

颼颼風冷荻花秋。明月斜侵獨倚樓。十二珠簾
不上鉤。黯凝眸。一點漁燈古渡頭。

憶王孫

冬懷

范希文

同雲風掃雪初晴。天外孤鴻三兩聲。獨擁寒衾
不忍聽。月籠明。窗外梅花影瘦橫。

蘭陵王

春情

張仲宗

卷珠箔。朝雨輕陰乍閣。欄干外、煙柳弄晴，芳草
侵階映紅藥。東風如許惡。吹落稍頭嫩萼。屏山
掩屏山謂沉水倦薰香譜以黑沉中酒心情怕
盃勺。○尋思舊京洛。正年少、踈狂歌笑，迷着障
泥油壁。催梳掠。曾馳道、同載上林攜手。燈夜初
過早。共約又爭信。飄泊。○寂寞念行樂。任粉淡
衣襟音斷。絃索瓊林碧。月春如昨。悵別後華表
那回雙鶴。相思前事除夢。竟裏暫忘却。

蘭陵已詠柳

周美成

柳陰直。煙裏絲絲弄碧。隋堤上、曾見幾番拂水
飄綿送行色。登臨望故國。誰惜京華倦客。長亭
路年去歲來。應折柔條過千尺。○聞尋舊蹤跡。
又酒趁哀絃。燈照離席。梨花榆火催寒食。愁一
箭風快。半篙波暖。回頭迢遞便數驛。望人在天
北。○悽惻恨堆積。漸別浦縈回津堠岑寂。斜陽
冉冉春無極。念月榭携手。露橋吹笛。沉思前事
似夢裏。淚暗滴。

南鄉子 春情

孫夫人

曉日壓重簷。斗帳春寒起未忺。天氣困人梳洗
懶。眉尖淡畫春山不喜添。○閑把綉絲擣認得

金針又倒拈。陌上遊人歸也未。厭厭。滿院楊花不捲簾。

南鄉子

周美成

晨色動粧樓。短燭熒熒情未收。自在開簾風不定。颼颼。池面冰澌趁水流。○早起怯梳頭。欲綰雲鬟又却休。不會沉吟思底事。凝眸。兩點春山滿鏡愁。

南鄉子

重陽

蘇子瞻

三山老人語錄云自來九日多用落帽事獨東坡云破帽多情却戀頭尤為奇特

霜降水痕收。淺碧粼粼露遠洲。酒力漸消風力軟。颼颼。破帽多情却戀頭。○詩酒若爲酬。但把清樽斷送秋。萬事到頭都是夢。休休。明日黃花蝶也愁。

南鄉子

美八半身

秦少游

妙手寫徽真。水剪雙眸點絳唇。疑是昔年窺宋玉。東鄰。只露墻頭一半身。○往事已酸辛。誰記當年翠黛顰。盡道有些堪恨處。無情。任是無情亦動人。

南鄉子

潘庭堅

生怕倚闌干。閣下溪聲。閣外山。惟有舊時山共
水。依然暮雨朝雲去不還。○應是躡飛鸞。月下
時時整佩環。月又漸低。霜又下。更闌折得梅花
獨自看。

南鄉子 冬懷

黃叔暘

萬籟寂無聲。衾鐵稜稜。近五更。香斷燈昏吟未
穩。淒清。只有霜華伴月明。○應是夜寒凝。惱得
梅花睡不成。我念梅花。花念我。關情起。看清冰
滿玉餅。

更漏子 春情

晏叔原

柳絲長。桃葉小。深院斷無人到。紅日淡。翠煙晴。
流鶯三兩聲。○雪香濃。檀暈少。枕上卧枝花好。
春思重。曉粧遲。尋思殘夢時。

更漏子 秋思

温庭筠

茗溪叢話云温庭筠湖陰曲警句云吳
波不動楚山遠花壓闌干春晝長庭筠
工於樂府極為綺靡花間集可
見矣其更漏子一詞尤為佳作

玉爐香。紅蠟淚。偏照畫堂秋思。眉翠薄。鬢雲殘。
夜長衾枕寒。○梧桐樹。三更雨。不道離情正苦。
一葉葉。一聲聲。空階滴到明。

更漏子 惜別

陳達叟

妾倚門君上馬。殘月曉星猶掛。眉黛斂。淚珠凝。別離多少情。○翠翹橫。雲鬢亂。復入綺衾猶暖。人獨自。枕成雙。爭教不斷腸。

八六字 春情

秦少游

倚危亭。恨如芳草萋萋。剗盡還生。念柳外青驄。別後水邊紅袂分時。愴然暗驚。○無端天與娉婷。夜月一簾幽夢。春風十里柔情。怎奈向歡娛。漸隨流水。素絃聲斷。翠綃香減。那堪那片片飛花弄晚。濛濛殘雨籠晴。正銷凝。黃鸝又啼數聲。

行香子

蘇子瞻

茗溪漁隱云淮北之地平夷自京師至汴口並無山惟隔淮方有南山南山石崖上有東坡行香子詞後題云與泗守過南山晚歸作字畫是東坡所書小字但無姓名崇觀間禁元祐文字遂鐫去之

北望平川。野水荒灣。共尋春飛步。曉曦和風弄袖。香霧縈鬟。正酒酣時。人語笑白雲間。○飛鴻落照相將歸去。澹娟娟玉宇清閑。何人無事。宴坐空山。望長橋上燈火亂。使君還。

行香子 憶別

張子野

舞雪歌雲。閑淡粧勻。藍溪水深染輕裙。酒香醺臉。粉色生春。更巧談話。美情性。好精神。○江空

無畔、凌波何處月橋邊。青柳朱門斷。鍾殘角又送黃昏。柰心中事、眼中淚、意中人。

卜筭子 春情

僧皎如晦

有意送春歸、無計留春住。畢竟年年用着來、何似休歸去。○目斷楚天遙、不見春歸路。風急桃花也似愁、點點飛紅雨。

卜筭子

秦處度

春透水波明、寒峭花枝瘦。極目煙中百尺樓、人在樓中否。○四和裊金鳧、四和謂香金鳧也雙陸思纖手。擬倩東風浣此情、情更濃如酒。

卜筭子

秋思

蘇子瞻

山谷云東坡道人黃州作此詞語意高妙似非喫煙火人語自非胃中有萬卷書筆下無一點塵俗氣孰能至此若溪漁隱云揀盡寒枝不肯棲之句或云鴻鴈未嘗棲宿樹枝惟在田野叢間或改作寒蘆亦是但此詞本諫夜景至換頭但只說鴻正如賀新郎詞乳蕩飛華屋本諫夏景至換頭只說榴花蓋作文之法語意到處即為之不可限以繩墨衡陽居士云缺月刺明微也漏斷暗時也幽人不得志也獨往來無助也驚鴻賢人不安也揀盡寒枝不肯棲不偷安省君不察也寂寞吳江冷非所安也此與於高位也寂寞吳江冷非所安也此與考槃詩相似

缺月掛疎桐、漏斷人初靜。時見幽人獨往來、縹

緲孤鴻影。○驚起却回頭。有恨無人省。揀盡寒枝不肯棲。楓落吳江冷。

生查子 春情

晏叔原

金鞍美少年。去躍青驄馬。牽繫玉樓人。翠被春寒夜。○消息未歸來。寒食梨花謝。無處說相思。背面秋千下。

生查子

李易安

年年玉鏡臺。梅葉宮粧困。今歲未還家。怕見江南信。○酒從別後疎。淚向愁中盡。遙想楚雲深。人遠天涯近。

生查子 感舊

秦少游

去年元夜時。花市燈如晝。月在柳梢頭。人約黃昏後。○今年元夜時。月與燈依舊。不見去年人。淚滿春衫袖。

生查子 春情

秦少游

眉黛遠山長。新柳開青眼。樓閣斷霞明。羅幙春寒淺。○不羨玉漏遲。燭厭金刀剪。月色忽飛來。花影和簾捲。

生查子

朱希濟

春山煙欲收。天澹星稀小。殘月臉邊明。別淚臨

清曉。○語多情更深，回首猶重道。記得綠羅裙，處處憐芳草。

生查子

趙德莊

裙拖安石榴，髻簪偏倚葉。一對短金釵，輕重都相愜。○輕輦月入眉，淺笑花生頰。夫婿不風流，取次看承妾。

生查子

趙德莊

新月曲如眉，未有團圓志。紅豆不堪看，滿眼相思淚。○終日擘桃穰，人在心兒裏。兩朶隔牆花，早晚成連理。

生查子

趙德莊

輕輕製舞衣，小小裁歌扇。三月柳濃時，又向津亭見。○垂淚送行人，界破紅粧面。玉指袖中彈，一曲清商怨。

生查子

詠筆

張子野

含羞整翠鬟，得意頻相顧。鴈柱十三絃，一一春鶯語。○嬌雲容易飛，夢斷知何處。深院鎖黃昏，陣陣芭蕉雨。

江城子

憶別

黃魯直

畫堂高會酒闌珊，霎時間，倚欄干。千里關山，長

恨見伊難。及至而今相見了，依舊是隔關山。○
倩人傳語問平安。省愁煩。淚偷彈。泣損眼兒不
似舊時單。尋得石榴雙葉子，憑寄與，插雲鬟。

江城子

秦少游

西城楊柳弄春柔。動離憂。淚難收。猶記多情曾
爲繫歸舟。碧野朱橋當日事，人不見，水東流。○
韶華不爲少年留。恨悠悠。幾時休。飛絮落花時
候一登樓。便做春江都是淚，流不盡，許多愁。

江神子

春情

謝無逸

復齋漫錄云無逸嘗於黃州關山杏花村館驛題此詞過者必索筆於館卒卒

頗以爲苦以泥塗之其爲人當可重可知

杏花村館酒旗風。水溶溶。颺殘紅。野渡舟橫，楊
柳綠陰濃。望斷江南山色遠，人不見，草連空。○
夕陽樓外晚煙籠。粉香融。淡眉峰。記得年時相
見畫屏中。只有關山今夜月，千里外，素光同。

江神子

蘇子瞻

天涯流落思無窮。既相逢。却匆匆。攜手佳人和
淚折殘紅。爲問東風餘幾許，春縱在，與誰同。○
隋堤三月水溶溶。背歸鴻。去吳中。回望彭城清
泗與淮通。寄我相思千點淚，流不到，楚江東。

天仙子

張子野

古今詩話有客謂張子野曰人皆謂公
 張三中即心中事眼中淚意中人也公
 曰何不日之為張三影客不曉公曰雲
 破月來花弄影嬌柔懶起簾壓捲花影
 柳徑無人墜飛絮無影此余平生所得
 意高齋詩話云子野嘗有詩云浮萍斷
 處見山影又長短句云雲破月來花弄
 影又云隔牆送過秋千影並膾炙人口
 世謂張三影按若溪漁隱云細味三
 說當以古今詩話所載三影為勝

水調數聲持酒聽。午醉醒來愁未醒。送春春去
 幾時回。臨晚鏡。傷流景。往事後期空記省。○沙
 上並禽池上暝。雲破月來花弄影。重重翠幙密
 遮燈。風不定。人初靜。明日落紅應滿徑。

天仙子

沈會宗

景物因人成勝槩。滿目更無塵可碍。等閑簾幙
 小闌干。衣未解。心先快。明月清風如有待。○誰
 信門前車馬隘。別是人間閑世界。坐中無物不
 清涼。山一帶。水一派。流水白雲長自在。

採桑子

李後主

輓轡金井梧桐晚。幾樹驚秋。晝雨和愁。百尺蝦
 鬚在玉鉤。○瓊窓春斷雙蛾皺。回首邊頭。欲寄
 鱗遊。九曲寒波不泝流。

南柯子

僧仲殊

十里青山遠，潮平路帶沙。數聲啼鳥怨年華。又是淒涼時候，在天涯。○白露收殘月，清風散曉霞。綠楊堤畔鬧荷花。記得年時沽酒，那人家。

南柯子 端午

蘇子瞻

山與歌眉斂，波同翠眼流。遊人都上十二樓。不羨竹西歌吹，古揚州。○菰黍連昌歎，瓊彝倒玉舟。誰家水調唱歌頭。聲逐碧山飛去，晚雲留。

搗練子

耿耿淚雙雙，皓月清風冷透牕。人去秋來宮漏末，夜深無語對銀缸。

女冠子 夏意

柳耆卿

淡煙飄薄，鶯花謝清和院落。樹陰翠密，葉成幄。麥秋霽景，夏雲忽變，奇峰倚寥廓。波暖銀塘漲。

新萍綠魚躍。想端憂多暇，陳王是日，嫩苔生閣。

謝莊月賦陳王初喪應劉端 ○正鑠石天高，流

金書末，楚榭光風轉蕙，披襟處，波翻翠幕。以文

會友沉李浮瓜，忍輕諾。別館清閑，避炎蒸，豈須

河朔。河朔有但樽前隨分雅歌艷舞盡成懽樂

女冠子 詠雪

同雲密布，撒梨花柳絮。飛舞樓臺，悄似玉。向紅

爐暖閣院宇深沉。廣排筵會。聽笙歌猶未徹。漸覺輕寒透簾穿戶。亂飄僧舍。密灑歌樓。酒帘如故。○想樵人山徑迷蹤路。料漁人收綸罷釣歸。南浦路無伴侶。見孤村寂寞。招颭酒旗斜處。南軒孤鴈過。嗷嗷聲聲。又無書度。見臘梅枝上嫩葉兩兩三三微吐。

何滿子

秋思

孫巨源

悵望浮生急景。悽涼寶瑟餘音。楚客多情偏怨別。碧山遠水登臨。日送連天衰草。夜闌幾處疎砧。○黃葉無風自落。秋雲不雨長陰。天若有情天亦老。惺惺幽恨難禁。惆悵舊歡如夢。覺來無處追尋。

送佛閣

依懷

暗塵四歛樓觀迥出。高映孤館。清漏將短。厭聞夜久籤聲動。書幔桂華又滿。閒步露草。偏愛幽遠。花氣清婉。望中迤邐。城陰度河岸。○倦客最蕭索。醉倚斜橋穿柳線。還似汴堤虹梁橫水面。看浪颭春燈。舟下如箭。此行重見。歎故友難逢。羈思空亂。兩眉愁向誰舒展。

過秦樓

秋思

周美成

景浴清蟾葉喧涼吹巷陌馬聲初斷閑依露井
笑撲流螢惹破畫羅輕扇人靜夜久凭欄愁不
歸眠立殘更箭嘆年華一瞬人今千里夢沉書
遠○空見說鬢怯瓊梳容銷金鏡漸懶趁時勻
染梅風地溽虹雨苔滋一架舞紅都變誰信無
慘為伊才減江淹情傷荀倩荀奉倩妻曹氏有
豔色常病熱奉倩
以冷身爨之曹亡奉倩不哭而傷神後亦亡但明河影下還看稀星
數點。

上西樓 春情

陸務觀

江頭綠暗紅橋燕交飛忽到當年行處恨依依

○灑清淚嘆人事與心違蒲酌玉壺花露送春歸。

浪淘沙 感舊

李後主

西清詩話云南唐後主歸朝後每懷江國且念嬪妾散落鬱鬱不自聊遂作此詞含思悽惋未幾下世

簾外雨潺潺春意闌珊羅衾不煖五更寒夢裏
不知身是客一餉貪歡○獨自莫凭欄無限江
山別時容易見時難流水落花春去也天上人
問。

浪淘沙 春情

歐陽永叔

把酒祝東風。且共從容。垂楊紫陌洛城東。總是當年携手處。遊遍芳叢。○聚散苦匆匆。此恨無窮。今年花勝去年紅。可惜明年花更好。知與誰同。

浪淘沙

歐陽永叔

今日北池遊。漾漾輕舟。波光潑灑柳條柔。如此春來春又去。白了人頭。○好妓好歌喉。不醉難休。勸君滿酌金甌。縱使花前常病酒。也是風流。

浪淘沙 感舊

幼卿

幼卿少與表兄雅有文字之好。凡欲締姻。屢白父母。父母以兄未婦。難其請。遂匹于武弁。明年兄登甲科。良人統兵陝右。兄職教河陽。邂逅于此。揚鞭略不相顧。豈前憾有未平耶。因作浪淘沙以紀情。

極目楚天空。雲雨無蹤。謾留遺恨鎖眉峯。爭奈荷花開較晚。辜負東風。○驛馬嘆飄蓬。聚散匆匆。揚鞭寧忍驟驂騁。望斷斜陽人不見。滿袖啼紅。

浪淘沙

簾外五更風。吹夢無蹤。畫樓重上與誰同。記得玉釵斜撥火。寶篆成空。○回首紫金峰。雨潤煙

濃。一江春浪醉醒中。留得羅襟前日淚。彈與征鴻。

浪淘沙

文宋瑞

踈雨灑天清。枕簟涼生。井梧一葉做秋聲。誰念客身輕似葉。千里飄零。○夢斷古臺城。月淡湖平。便携尊酒訪新亭。不見當時王謝宅。烟草青青。

賣花聲

即浪淘沙
春情

康伯可

飛。感損遠山眉。幽怨誰知。羅衾滴盡淚。臘脂。夜過春寒愁未起。門外鴉啼。○惆悵阻佳期。人在天涯。東風頻動小桃枝。正是銷魂時候也。撩亂花

賣花聲

康伯可

愁。撚斷釵金。遠信沉沉。秦箏調怨不成音。郎馬不知何處也。樓外春深。○好夢已難尋。夜夜餘衾。目窮千里正傷心。記得當初郎去路。綠樹陰陰。

浪淘沙慢

憶別

周美成

晝陰重。霜凋岸草。霧隱城堞。南陌脂車待發。東門帳飲。乍闕正拂面。垂楊堪攬結。掩紅淚。玉手

親折念漢浦離鴻去何許。經時信音絕。○情切望中地。遠天濶。向露冷風清。無人處。耿耿寒漏咽。嗟萬事難忘。惟是離別。翠尊未竭。憑斷雲留取。西樓殘月。羅帶光綃紋。衾疊。連環解。舊香頓歇。怨歌末。瓊壺敲盡。缺恨春去不與人。期弄夜色。空餘滿地梨花雪。

疎簾淡月

秋思

張宗瑞

梧桐雨細。漸滴作去聲秋聲。被風驚碎。潤逼衣篝。線裊蕙鑪。沉水悠悠。歲月天涯。醉一分秋一分憔悴。紫簫吹斷。素牋恨切。夜寒鴻起。○又何苦凄凉客裏。草堂春綠竹。溪空翠。落葉西風吹老。幾番塵世。從前諳盡。江湖味。聽商歌歸興千里。露侵宿酒。疎簾淡月。照人無寐。

氏州第一

周美成

波落寒汀。村渡向晚。遙看數點帆小。亂葉翻鴉。驚風破鴈。天角孤雲縹緲。官柳瀟疎甚。上掛微微殘照。景物關情。川途極目。頓來催老。○漸解狂朋歡意少。柰猶被思牽情繞。座上琴心。機中錦字。覺最縈懷抱。也知人懸望久。薔薇謝歸來一笑。欲夢高唐。未成眠。霜空已曉。

八聲甘州

送參寥子

蘇子瞻

苕溪漁隱云晉書謝安雖受朝寄然東
 山之志始末不踰每形於言色及鎮新
 城盡室而行造汎海之裝欲須經略租
 定自海道還東雅志未就遂遇疾篤還
 都尋薨羊曇為安所愛重安薨後輟樂
 彌年行不由西州路嘗因大醉不覺至
 州門左右白曰此西州門也曇悲感以
 馬策扣扉誦曹子建詩曰生存華屋處
 零落歸山丘因慟哭而去東城用此故
 事若世俗之論必以為成識矣然其詞
 石刻後東坡題云元祐六年三月六日
 余以東坡年譜考之元祐四年知杭州
 六年召為翰林學士承旨則此詞蓋此
 時作也自后復守穎徙揚入長禮曹出
 帥定武至紹聖元年方南遷嶺表建中
 靖國元年北歸至常乃薨凡十一載則
 世俗成識之
 論果足信耶

有情風萬里捲潮來無情送潮歸問錢塘江上
 西河浦口幾度斜暉不用思量今古俯仰昔人
 非誰似東坡老白首忘機○記取西湖西畔正
 暮山好處空翠煙霏笑詩人相得如我與君稀
 約他年東還海道願謝公雅志莫相違西州路
 不應回首為我沾衣

八聲甘州

和東坡韻

晁無咎

謂東坡未老賦歸來天未遣公歸向西湖兩處
 秋波一種飛靄澄暉又擁竹西歌吹僧老木蘭
 非一笑千秋事浮世危機○莫倚平山欄檻是

醉翁飲處江雨霏霏。送孤鴻揮手相接眼中稀。
念平生相從江海，任飄蓬不遣此心違。登臨事
更何須惜，吹帽淋衣。

二郎神

春意

徐幹臣

古今詩話云：閔字深，有意義。鵲本喜聲，為其無憑，乃閔而彈之。茗溪漁隱云：馬蹄難駐，駐字作去字，語意乃佳。

悶來彈鵲，又攪碎一簾花影。漫試著春衫，還思
纖手，薰徹金虬燼冷。動是愁端，如何向、更怪得
新來多病。嗟舊日沈腰，而今潘鬢，怎堪臨鏡。
重省。別時淚漬羅襟，猶凝料為我厭厭日高慵。
起長託春醒未醒，鴈足不來，馬蹄難駐，門掩一
庭芳景。空佇立，盡日欄干倚遍，晝長人靜。

二郎神

七夕

柳耆卿

炎光謝過，暮雨芳塵輕灑。乍露冷風清，庭戶爽
天如水。玉鈎遙掛。應是星娥，嗟久阻、叙舊約、飈
輪欲駕。極目處微雲暗度，耿耿銀河高瀉。○閑
雅。須知此景古今無價。運巧思穿針樓上女，擡
粉面雲鬟相亞。鈿合金釵，私語處、笑誰在、回廊
影下。願天上人間，占得歡娛，年年今夜。

菩薩蠻

感懷

李太白

王林詞選云太白此詞
允爲百代詞曲之祖

平林漠漠煙如織。寒山一帶傷心碧。暝色入高樓。有人樓上愁。○欄干空佇立。宿鳥歸飛急。何處是回程。長亭更短亭。

菩薩蠻

春情

南園浦地堆輕絮。愁聞一霎清明雨。雨後却斜陽。杏花零落香。○無言勻睡臉。枕上屏山掩。時節欲黃昏。無聊獨倚門。

菩薩蠻

秋思

金風軟軟驚黃葉。高樓影轉銀蟾匝。夢斷綉簾垂。月明烏鵲飛。○新愁知幾許。渾似絲千縷。鴈已不堪聞。砧聲何處村。

菩薩蠻

秦少游

蛩聲泣露驚秋枕。羅幃淚濕鴛鴦錦。獨卧玉肌涼。殘更與恨長。○陰風番翠幌。雨澁燈花暗。畢竟不成眠。鴉啼金井寒。

菩薩蠻

陳達叟

舉頭忽見衡陽鴈。千聲萬字情何限。耐薄情夫。一行書也無。○泣歸香閣恨。和淚掩紅粉。待鴈却回時。也無書寄伊。

菩薩蠻

黃魯直

輕風裊斷沉煙炷。霏微盡日寒塘雨。殘綉沒心
情。鳥啼花外聲。○離愁難自制。年少乖盟誓。寂
寞掩朱門。羅衣空淚痕。

菩薩蠻

黃魯直

牡丹帶露真珠顆。佳人折向簾前過。微笑問檀
郎。花強妾貌強。○檀郎故相惱。剛道花枝好。一
向發嬌嗔。碎按花打人。

菩薩蠻

詠梅

濕雲不渡溪橋冷。嫩寒初透東風景。橋下水聲
長。一枝和雪香。○人憐花似舊。花比人應瘦。莫
凭小欄干。夜深花正寒。

菩薩蠻

佳人

陳無已

曉來誤入桃源洞。恰見佳人春睡重。玉腕枕香
腮。荷花藕上開。○一扇俄驚起。歛黛凝秋水。笑
倩整金衣。問郎來幾時。

菩薩蠻

佳人彈箏

哀箏一弄湘江曲。聲聲寫盡湘波綠。纖指十三
絃。細將幽恨傳。○當筵秋水慢。玉柱斜飛鴈。彈
到斷腸時。春山眉黛低。

草堂詩餘卷下

前集終

